

## 名相解釋

【**羸底**】(丁福保《佛學大辭典》)

(術語) **Kśanti**，譯曰忍辱，安忍。舊稱羸提。慧琳音義十三曰：「羸底，上察限反，下丁以反，唐云忍辱，或云安忍。」

【**阿若憍陳如**】(丁福保《佛學大辭典》)

(人名) **Ajñata-kaundimya**，舊稱阿若憍陳如，阿若居鄰，阿若拘鄰。新稱阿若多憍陳那。阿若名，憍陳如姓。阿若，譯作已知，無知，了本際。憍陳如，譯作火器。最初受濟度之五比丘上首。

文句二曰：「憍陳如，姓也。此翻火器，婆羅門種。阿若者，名也。此翻已知，或言無知，非無所知也，乃至知無耳。無量壽、文殊問、阿毘曇、婆沙、皆稱為了本際。」

彌勒上生經疏上曰：「阿若多，解也。憍陳那，婆羅門姓之一姓也。憍陳如，訛也。」

飾宗記七末曰：「婆沙八十二云：以憍陳那先見法故，因斯號彼為阿若多。」

【**三迦葉**】(參考: 明，一如《三藏法數》、丁福保《佛學大辭典》)

〔出法華經文句〕

梵語迦葉，華言光波。謂身光炎涌映餘光故也。毘婆尸佛時，三人共立剎柱，以是因緣，感報遂為兄弟。(梵語毘婆尸，華言勝觀。)

玄贊一曰：「迦葉波者姓也，此云飲光，婆羅門姓。上古有仙，身有光明，飲蔽日月之光。

(中略)三迦葉，皆飲光種。」

〔一、優樓頻螺迦葉〕 **Uruvilvā-kaśyapa**，梵語優樓頻螺，華言木瓜林；謂其居處，近於此林，故以名之。將護四眾，供給四事，令無所乏，最為第一。(四眾者，一比丘、二比丘尼、三優婆塞、四優婆夷也。四事者，一飲食、二衣服、三臥具、四醫藥也。)未歸佛前有五百弟子之外道論師。導佛於毒蛇窟，不得害。與二弟及弟子共歸佛出家。見四分律三十二(此為出家律藏，在家者應透過出家比丘、比丘尼講述，不宜自行翻閱)。

〔二、伽耶迦葉〕 **Gaya-kaśyapa**，梵語伽耶，華言城。謂其居家在王舍城南七由旬，故以名之。觀了諸法都無所著，教化眾生，最為第一。(梵語由旬，華言限量。一由旬，四十里也。)光宅之法華疏一曰：「伽耶迦葉者，昔日亦是外道，其人事火，領五百徒眾，住在伽耶城中。如來往化，即捨邪從正，得羅漢道。仍以本所住城為名也。」

〔三、那提迦葉〕 **Nadi-kaśyapa**，梵語那提，華言河。謂其居止近於此河，故以名之。心意寂然，降伏結業，精進修行，最為第一。光宅法華疏一曰：「迦葉姓也，那提者河名也。昔此外道，其人事外神領五百徒眾，住在那提河邊。值仙受道，得羅漢道猶以昔河為名也。」

## 【大德】(丁福保《佛學大辭典》)

(術語)梵云婆檀陀 **Bhadanta**，原為稱佛之名。在律中則為比丘之稱。唐時有臨壇大德之稱。是敕任者。釋氏要覽上曰：「智度論云：梵語波檀陀，秦言大德。」

毘奈耶雜事十九曰：「年少苾芻應喚老者為大德，老喚少年為具壽(梵 **Ayuṣman**)，若不爾者得越法罪。」

僧史略下曰：「德號之具其來遠矣！魏秦之世翻譯律本羯磨文中族曰大德僧。(中略)諸傳紀私呼僧中賢彥多曰大德，非國朝所輔也。(中略)大曆六年辛亥年，四月五日，敕京城僧尼臨壇大德各置十人，以為常式。有關即填，此帶臨壇而有二大德字，及官補德號之始也。憲宗朝端甫為引駕大德，此帶引駕為目。宣宗大中四年六月降誕日，內殿禪大德辯肇二人，此帶禪學得名。」

四分戒本序曰：「諸世尊大德，為我說是事。」

戒疏一上曰：「七佛非一曰諸，宇宙無上曰世尊，行滿位高曰大德也。」

## 【甘露】(丁福保《佛學大辭典》)

(飲食)梵語 **Amṛta** 阿密哩多。譯言甘露。異名天酒。美露。味甘如蜜。天人所食。光明文句五曰：「甘露是諸天不死之藥，食者命長身安，力大體光。」

註維摩經七：「什曰：諸天以種種名藥，著海中，以寶山摩之，令成甘露。食之得仙，名不死藥。生曰：天食為甘露味也，食之長壽，遂號為不死藥也。」

玄應音義二十二曰：「蘇陀味，舊經中作須陀飲，此云天甘露食也。」

## 【蘇陀】(丁福保《佛學大辭典》)

(飲食) **Suta**，**Sudhā**，舊稱須陀，譯曰甘露，天上之食物，

玄應音義二十二曰：「蘇陀味，舊經中作須陀飯，此天甘露食也。」

瑜伽論四曰：「有食樹從其樹裏出四食味，名曰蘇陀，所謂青黃赤白。」(又名四種甘露)

同略纂二曰：「有四種蘇陀味者，謂青黃赤白四色妙味。」

案：佛前大供唱讚：「天廚妙供 禪悅酥酪 戶唵蘇嚕薩哩瓦 怛他阿識多 怛你也他 蘇嚕娑婆訶 南無禪悅藏菩薩摩訶薩 摩訶般若波羅蜜」(參考：《佛門必備課誦本》)

## 【甘露法】(丁福保《佛學大辭典》)

(術語)如來之教法，譬之甘露。

法華經藥草喻品曰：「我為世尊，無能及者。安穩眾生，故現於世，為大眾說甘露淨法。其法一味，解說涅槃。」

佛地論三曰：「如來聖教，於諸外道一切世間邪劣教中，最為真實殊勝清淨。猶如醍醐，亦如甘露，令得涅槃永不死故。」

註維摩經七：「什曰：佛法中以涅槃甘露，令生死永斷，是真不死藥也。」

無量壽經下曰：「猶如大雨，雨甘露法潤眾生故。」

## 【不可思議】(丁福保《佛學大辭典》)

(術語)或為理之深妙，或為事之希奇，不可以心思之，不可以言議之也。

法華玄義序曰：「所言妙者，妙名不可思議也。」

維摩經慧遠疏曰：「不可思議者，經中亦名不思議也。通釋是一，於中分別非無差異，據實望情不思議，據情望實名不可思議。」

嘉祥法華疏三曰：「智度論云：小乘法中無不可思議事，唯大乘法中有之，如六十小劫說法華經調如食頃。」

維摩經序曰：「罔知所釋然而能然者，不思議也。」

同注經一曰：「生(道生，羅什門下四聖之一)曰：不可思議者，凡有二種：一曰理空，非惑情所測。二曰神奇，非淺識所量。」

【又】(人名)唐靈妙寺沙門，名不可思議，善無畏三藏之弟子也，釋大日經第七卷供養次第法。世謂之不思議疏。不思議疏上曰：「小僧不可思議，多幸面諮和上，所聞法要，隨分抄記。」

### 【迦利】(丁福保《佛學大辭典》)

(人名)Kali，又云哥利，歌利，迦梨，羯利，迦藍浮，迦羅富，迦黎。王名。譯曰鬥諍，惡生。西域記三曰：「嘗揭釐城東四五里，有窣堵波，極多靈瑞。是佛在昔，作忍辱仙。於此為羯利王(唐言鬥諍，舊云哥利，訛也)，割截肢體。」

玄應音義三曰：「歌利王，或言迦利王，論中作迦藍浮王，皆訛也，正言羯利王，此譯云鬥諍王。西域記云：在烏仗那國，嘗揭釐城東四五里，是其處也。舊云惡世無道王，即波羅奈國王也。」

涅槃經三十一曰：「迦羅富。」度無極集五曰：「迦黎。」

### 【四空定】(丁福保《佛學大辭典》)

(名數)又云四無色定(梵名四空處之各名加Dhyāna)，十二門禪(四禪，四無量，四空定)中之四禪也。

一空無邊處定，行人厭患色籠如牢如獄，心欲出離之，捨色想而緣無邊之虛空心，與空無邊相應，故名空無邊定。

二識無邊處定，行人更厭前外之空，捨其虛空緣內識為心識無邊之解，心與識無邊相應，故名識無邊處定。

三無所有處定，行人更厭其識，而觀心識無所有，心與無所有相應，故名無所有處定。

四非想非非想處定，前之識處是有想，無所有處是無想，至此捨前之有想故名非想，捨前之無想，故名非非想。又無羶想，故曰非想，非無細想，故曰非非想。行者於此如痴如醉如眠如暗，無所愛樂，泯然寂絕，清淨無為，謂之非想非非想定。見法界次第上，俱舍頌疏世品一。

### 【四無量心】(丁福保《佛學大辭典》)

(術語)梵Catvāri-apramāṇāṇi。又名四等，四梵行。十二門禪中之四禪也。

一慈無量心，能與樂之心也。

二悲無量心，能拔苦之心也。

三喜無量心，見人離苦得樂生慶悅之心也。

四捨無量心，如上三心捨之而心不存著也。又怨親平等，捨怨捨親也。

此四心普緣無量眾生，引無量之福故名無量心。又平等利一切眾生，故名等心。此四心依四禪定而修之，修之，則得生色界之梵天，故云四梵行。

俱舍論二十九曰：「無量有心：一慈 Maitri，二悲 Karuṇā，三喜 Muditā，四捨 Upekṣā。言無量者，無量有情為所緣故，引無量福故，感無量果故。」

智度論二十曰：「四無量心者，慈悲喜捨。」

仁王經下曰：「修四無量：慈無量心，悲無量心，喜無量心，捨無量心。」

## 【四禪定】(丁福保《佛學大辭典》)

(名數) 梵 Catur-dhyāna。略云四禪，新云四靜慮。修此四禪定生於色界之四禪天也。此四禪內道外道共修之，在因者超欲界之惑網，在果者生於色界，且為生諸功德之依地根本，故曰本禪。

(一) 初禪，初禪之前行，有粗住，細住，欲界定，未到定。其正禪具八觸十功德。

其先行者安坐端身攝心，故氣息調和，覺此心路泯泯(水清的樣子)澄淨，怙怙(音去一廿去一廿，安靜貌)安穩，其心在緣(所緣境)，居然(安然)不馳散，是名曰羸住。

由此心後怙怙勝前，名為細住。

其後一兩日或兩月，豁爾心地作一分開明，我身如雲如影爽爽空淨，雖空淨猶見身心之相，未有定內(此指四禪根本定內)之功德，是名欲界定。(《成實論》立欲界定。《俱舍論》不立之，但攝於未到定中)

從是心後泯然(消失淨盡貌)一轉，不見欲界定中之身首衣服床鋪，猶如虛空，是名未到定。(《成實論》不立之，《俱舍論》立之名未至定)此時性障猶在，未入初禪也。

在此未到定，身心豁虛空寂，內不見身，外不見物，如此或經一日乃至一月一歲定心不壞，則於此定中即覺自心之微微動搖，或感微痒(音一尤√，同「癢」)，即發：動、痒、輕、重、冷、煖、澀、滑，是名八觸。此為色界之四大極微與欲界之四大極微轉換，而發此觸相也，此乃正入初禪之相。(【四大極微】四大：地、水、火、風。極微：四大之不可再細分之最小組成份子，譬如今日之科學之原子。)

此時有十功德，又謂之十眷屬。如空，明，定，智，善心，柔軟，喜，樂，解脫，境界相應是也。(是就八觸中之動觸而論餘七觸功德准之)(空者。諸觸發時。空心虛豁(曠達)。明者。淨妙皎然。定者。不復散動。智者。所解靜利。善心者。深信妙法。柔軟者。離欲界羸穢之相。喜者。喜所得法。樂者。安此美妙。解脫者。無復五蓋。相應者。心與諸觸功德相應不亂。又念持相應而不忘失。)

此八觸十功德，唯在初禪，二禪已上則無，是為初禪之特相。

就四禪總體言之，則以十八支分別，十八支者初禪五支，二禪四支，三禪五支，四禪四支也。以此等之功德法支持禪，故名為支。

初禪五支者覺支(新曰尋支)，觀支(新曰伺支)，喜支(新同名)，樂支(新同名)，(經部為眼耳身三識之樂受。有部不許定中三識，僅有意識。故為輕安樂，非樂受也)，一心支(新定支也)。

(二) 二禪。呵棄初禪之覺觀而得此禪，於初禪已了色界四大轉換。故二禪已上無八觸十功

德也。二禪之四支者，內淨支（俱舍以為五根中之信根，深信受勝實之功德也，淨為信相。故曰淨，屬心故云內），喜支，樂支（輕安樂也，非樂受），一心支（新定支），也。

（三）三禪，呵棄第二禪之喜受而得三禪也。此禪具五支，捨支（是行捨，非捨受），念支（三禪之樂極勝。為不染著，故要正念），慧支（同上），樂支（意識之樂），一心支（新定支。寂然在定是也）。

（四）四禪，呵棄三禪之樂受。四支者，不苦不樂支（新定中受支，五受中之捨受也），捨支（捨第三禪之樂受也非憂悔），念支（念下地之過，自己之功德長養之），一心支（猶如鐘，猶如清水）也。

初禪之五支乃至四禪之四支為何？即行體是也，依俱舍之意，初禪之付五支者，以此時二十二心數發於一時（大地法十與大善地法十及覺與觀也。大地法十者，為五遍行及五別境。大善地法十者：信、勤、行捨、慚、愧、無貪、無瞋、不害、輕安、不放逸。），於中取強者為五支，五支皆定體也，成論明五支前後相次而起，取四支為方便，一心支為實體。天台止觀，法界次第之所明，大要據成實論。見摩訶止觀九之一，法界次第上，俱舍論二十八。智度論十七曰：「若能呵五欲、五蓋、行五法：欲、精進、念、巧慧、一心，行此五得五支，成就初禪。」（參照：禪）。

#### 【四尋思】（節錄自：朱芾煌《法相辭典》）

瑜伽三十六卷二十二頁云：云何名為四種尋思？一者名尋思，二者事尋思，三者自性假立尋思，四者差別假立尋思。名尋思者，謂諸菩薩於名唯見名，是名名尋思。事尋思者，謂諸菩薩於事唯見事，是名事尋思。自性假立尋思者，謂諸菩薩於自性假立唯見自性假立，是名自性假立尋思。差別假立尋思者，謂諸菩薩於差別假立唯見差別假立，是名差別假立尋思。此諸菩薩於彼名事，或離相觀，或合相觀，依止名事合相觀故，通達二種自性假立差別假立。

雜集論十一卷九頁云：復次，於諸法中正勤觀察四道理已，云何而起尋思？謂起四種尋思：一、名尋思，二、事尋思，三、自體假立尋思，四、差別假立尋思。

名尋思者，謂推求諸法名身、句身、文身自相，皆不成實，由名身等是假有故，觀彼自相皆不成實。

事尋思者，謂推求諸法蘊、界、處相皆不成實，由諸蘊等如名身等，所宣說事皆不成實，是故觀彼相不成實。推求者是觀察義。

自體假立尋思者，謂於諸法能詮、所詮相應中推求自體，唯是假立言說因性（十因中之隨說因），能詮所詮相應者，謂此二互為領解因性。所以者何？善名言者，但聞能詮，由憶念門，便於所詮得生領解。或但得所詮，由憶念門，便於能詮得生領解。於如是種類共立相應中，眼等自相唯是假立，但於肉團等名言，因中起此名言故。若如是觀察，是名自體假立尋思。差別假立尋思者，謂於諸法能詮、所詮相應中推求差別，唯是假立名言因性。所以者何？以於能詮、所詮相應中，推求若常無常、有上無上、有色無色、有見無見等差別相，唯是假立名言因性。如是觀察，是名差別假立尋思。

#### 【明得定】（丁福保《佛學大辭典》）

（術語）於菩薩四加行中煖位所得之禪定也。明為無漏之慧，為初得無漏慧前相之禪定，故名明得定。唯識論九曰：「依明得定發下尋思觀，無所取，立為煖位。（中略）初獲慧日前行相，故立明得名。」唯識述記九末曰：「明者無漏慧，初得無漏慧之明相，故名明得。明得之定，名明得定。」

### 【四如實智】（改編自：朱芾煌《法相辭典》）

瑜伽三十六卷二十二頁云：云何名為四如實智？一者、名尋思所引如實智。二者、事尋思所引如實智。三者、自性假立尋思所引如實智。四者、差別假立尋思所引如實智。

云何名尋思所引如實智？謂諸菩薩，於名尋思唯有名已；即於此名，如實了知。謂如是名，為如是義，於事假立。為令世間起想起見起言說故。若於一切色等想事，不假建立色等名者；無有能於色等想事，起色等想。若無有想，則無有能起增益執。若無有執；則無言說。若能如是如實了知；是名名尋思所引如實智。

云何事尋思所引如實智？謂諸菩薩，於事尋思唯有事已；觀見一切色等想事，性離言說；不可言說。若能如是如實了知；是名事尋思所引如實智。

云何自性假立尋思所引如實智？謂諸菩薩，於自性假立，尋思唯有自性假立已；如實通達了知色等想事中所有自性假立，非彼事自性，而似彼事自性顯現。又能了知彼事自性，猶如變化、影像、響應、光影、水月、焰、水、夢、幻，相似顯現，而非彼體。若能如是如實了知最甚深義所行境界；是名自性假立尋思所引如實智。

云何差別假立尋思所引如實智？謂諸菩薩，於差別假立尋思唯有差別假立已；如實通達了知色等想事中，差別假立不二之義。謂彼諸事，非有性；非無性。可言說性不成實故；非有性。離言說性實成立故；非無性。如是由勝義諦故；非有色。於中無有諸色法故。由世俗諦故，非無色。於中說有諸色法故。如有性、無性，有色、無色；如是有見無見等差別假立門，由如是道理，一切皆應了知。若能如是如實了知差別假立不二之義；是名差別假立尋思所引如實智。

（案：《披尋記》一二一三頁：

如實通達至如實智者：謂於諸事不二之義通達所顯，於彼差別假立了知所顯，如說有性無性、有色無色，皆由觀待道理差別假立，如文自釋。如是有見無見等，廣如前說。差別分別一切皆是假立法門，皆應了知。若於其中離言自性，真實義性，名不二義，是應通達。如是通達，如是了知，名如實智。）

二解 集論七卷四頁云：於法正勤修尋思已；云何於法起如實智？謂起四種如實智。一、名尋思所引如實智。二、事尋思所引如實智。三、自體假立尋思所引如實智。四、差別假立尋思所引如實智。云何名尋思所引如實智？謂如實知名不可得智。云何事尋思所引如實智？謂如實知事相亦不可得智。云何自體假立尋思所引如實智？謂如實知實有自性不可得智。云何差別假立尋思所引如實智？謂如實知實有差別不可得智。

## 【二障】(明，一如《三藏法數》)

〔出楞嚴經義海并宗鏡錄〕

〔一、煩惱障〕，謂昏煩之法，惱亂心神，不能顯發妙明真性，是名煩惱障。

〔二、所知障〕，所知障，亦名智障。謂執所證之法，障蔽智慧之性，是名所知障。

〔出圓覺略疏〕

〔一、理障〕，謂本覺心源，湛然清淨，由無明妄染，礙正知見，不達真如之理，是名理障。

〔二、事障〕，謂眾生由無明障覆，生死相續，無由脫離，是名事障。

## 【二障】(丁福保《佛學大辭典》)

(名數)煩惱障，智障也。新譯為煩惱障，所知障。貪瞋痴等諸惑，各有二用：

一者發業潤生而縛有情，使在三界五趣之生死中。由此而障涅槃寂靜之理，名為煩惱障。擾惱有情之身心，故名煩惱，煩惱能障涅槃，故名障。此煩惱障由我執而生。

二者一切貪瞋痴等諸惑，為愚痴迷闇，不能了知諸法之事相及實性(真如)，蓋其用能障可以了知事相實性之菩提妙智也。名障此妙智之愚痴迷闇，名為智障，亦名為知障，障礙所知之境而不使現，故云所知障。障礙能知之智而不使生，故云智障。此所智障由法執而生。

此二障，一體二用，事物之用迷於和合之事邊者，名煩惱障。事物之體迷於如幻之理邊者，名所知障。小乘謂此為染污無知，不染污無知。

... (略) ...

二乘但斷煩惱障，而證涅槃，菩薩兼斷所知障，亦不得菩提，此二障有寬狹。

煩惱障所在處必有所知障。而所知障所在處，煩惱障未必隨之。蓋煩惱障局於不善與有覆無記，而所知障亦通於無覆無記。(成唯識論五卷一頁云：障礙聖道，隱蔽自心，說名有覆。非善不善；故名無記。)

且煩惱障粗顯而易知，故示其頭數，如十惑乃至一百二十八等是也。所知障行相難知，且隨所知之法，而其數無數，故經論中不示其頭數。

唯識論九曰：「煩惱障者，謂執遍計所執實我，薩迦耶見(譯曰有身見)而為上首，百二十八根本煩惱及等流諸隨煩惱，此皆擾惱有情身心能障涅槃，名煩惱障。所知障者，謂執遍計所執實法薩迦耶見(又名「法我見」，謂二乘之人，計一切法各有體性，雖得人無我智，猶自怖畏生死，妄取涅槃之法，於法起見，故名法我見。)而為上首，見疑無明愛恚慢等覆所知境無顛倒性能障菩提，名所知障。」

【又】一煩惱障，即同上。二解脫障，解脫者，滅盡定之異名也，滅盡定者心念都滅，離一切之障礙，是名解脫，即八解脫中之第八解脫是也。因而障聖者入滅盡定者之法，謂之解脫障。其法即不染污無知之一種也，利根之不還及阿羅漢，以離其解脫障，而得入於滅盡定也。俱舍論二十五曰：「謂唯依慧離煩惱障者，立慧解脫。依兼得定離解脫障者，立俱解脫。」

【又】一、理障，邪見等之理惑障正知見也。二、事障，貪等之事惑相續生死而障涅槃也。圓覺經曰：「云何二障：一者理障，礙正知見。二者事障，相續生死。」

## 【於多百門皆由二智得自在】

《大方廣佛華嚴經隨疏演義鈔》卷第五十三

[疏]於多百門等者。謂於一念頃得百三昧得見百佛。知百佛神力。能動百世界。能過百佛世界。能照百佛世界。能教化百世界眾生。能住壽百劫。能知前後際各百劫事。能入百法門。能示現百身。一一身能現百菩薩以為眷屬等。故云於多百門皆由二智得自在也。

## 【大菩提】(丁福保《佛學大辭典》)

(術語)佛之菩提，對於聲聞緣覺之菩提，謂之大菩提。何則。二乘之無漏。為菩提而非大。佛之無漏慧。乃為菩提而大也。

唯識論一曰：「由斷礙解所知障得大菩提。」

法華論曰：「菩提有三種：一聲聞菩提，二緣覺菩提，三無上菩提。」

無上菩提即佛果菩提也，今指之為佛菩提。